

空
青
館
詞
彙

引

邊君袖石問詞法於陶鳬菴先生得不傳之祕在天雄幕中所作甚多近遊洛州出以相示宮商要眇分刊脗合並皆佳妙體物尤色色工絕類樂府補題中語蓋詞以南宋爲正宗北宋諸公猶不免有粗豪處稼軒龍洲後村流派原本東坡居士但別有寄託未可以一例視也金風亭長句云我旣愛姜史君亦厭辛劉願與高賢共勉之戊戌九秋檇李沈濤識於廣平郡齋

空青館詞藁目錄

卷第一

長短句六十四首

卷第二

長短句六十首

卷第三

長短句五十一首

空青館詞藁卷一

任邱邊俗禮袖石

燕京八景詞

木蘭花慢

瓊島春陰

上林韶景麗仙籙曉聚彤雲繞瑤筍千株錦苔潤浥螺黛濃
皴嶙峋數峯孕秀儘籠烟織暝畫難真合殿呆恩遠映瓦鴛
青混魚鱗尋春繡陌無塵綠壁沼過雕輪望嵐翠空濛花
光蘸水柳影隨人經旬雨晴未定想峭寒吹滿鳳城闌祇有
海棠幾樹護將紅雪繽紛

前調

居庸疊翠

望蒼然疊巘朝絳闕竦千層任北翥西連殿關鎖鑰直拱神
京新晴碧尖削出似嶽蓮翠荷勢孤撐秀映銀泉列笏與分
鐵壁開屏 雲扃策杖攀登沙塞紫海門青儘引睇憑虛蜚
狐倒馬無此峻嶒承平漸忘險阻抱雄心誰是棄繻生安得
孟陽健筆摩崖試勒新銘

前調 盧溝曉月

渾河東逝急鼇背竦駕飛梁正畫角吹殘珠杓半隱曉色蒼
蒼微茫碧空似水掛當頭斜月一梳涼瓊暈澹搖岸影晶輝
皎射波光 嚴裝倦旅攢將歸夢短客途長渡渺渺虹腰泥
痕映雪板跡迷霜即當馱鈴韻遠祗素娥無語笑人忙茅店

鷄聲歇了遠林紅上朝陽

前調 太液秋風

渺晴漪萬頃空與水共澄鮮
一夜商聲井梧葉墮秋信遙
傳蜿蜒石鯨橫臥滿波心
鱗甲動蒼烟歎雪涼招雁浴鎔銀
靜擁鷗眠 洄沿錦纜低牽
疎雨夕晚霞天挹爽籟泠泠絲
飄翠荇粉墜紅蓮年年水嬉肆
過看中流簫鼓汎樓船咫尺
影娥近接桂輪清門嬋娟

前調 金臺夕照

荒陂經督亢關樹冷塞雲孤
問百尺高臺昭王去後駿骨存
無空餘半規落照映蒼烟
喬木兩三株驛埃丹青黯
淡寺樓

金碧模糊 踟躕弔古停車尋往迹總蕭疎祇一縷桑乾崩
潏潏雪淘盡雄圖城隅角聲送暝漸黃昏林際欲棲烏隱隱
斷霞魚尾暮沙蕃馬平蕪

前調 薊門烟樹

望黃沙泱泱環雉堞暮烟浮正霞染丹楓霜雕錦櫺林麓清
幽誰留薊門故址被苔花埋沒幾經秋莫問慕容銅馬茸茸
綠草平疇 金溝積水交流波色冷葉聲初賸野店青帘僧
藍白塔招客閒遊凝眸碧雲暮合送斷鴻天末去悠悠祇有
洗妝豔迹春風依舊高樓

前調 西山積雪

恰天花散罷褰袂冷朔風嚴指丹鳳城西危岑疊嶂齊擢瑤
尖巉巉玉龍蛻骨訝碧空高倚劍鋒銛匝銀封石齒鬢鬢
粉綴松髯珠龕脊隱蒼巖飛瀑凍水晶簾想澗曲梅開峯
坳蘚滑策蹇愁探巡檐幾番挂笏聳山肩粟起暮寒添待掃
瓊英試茗竹爐雲液回甘

前調 玉泉酌突

澄湖瀦裂帛靈液滿注巖椒傍石竇奔深烟霏霧結雪歆雲
歆周遭練痕曳白是驪龍爭把領珠拋聽去聞根頓靜琅琅
琴筑笙璫涼飆吹度林梢剌茗盃漱詩瓢伴翠澗松聲幽
溪竹籟一味清寥酒消出山何事算東華塵土洗難消且續

滄浪妙詠濯纓小憩僧寮

高陽臺

柳髮霜髡苔衣雨坼夕陽紅上孤城風翦雲羅昨宵偷放新
晴秋光不管人腸斷斷腸人翻愛秋清小銀塘彫了殘荷荒
了枯萍 僧樓半角蒼烟織記香迷稚蜨絮攪雛鶯一夜涼
颼陰陰換作蟲聲臨流悄向沙鷗說算蕭騷誰更如卿悵歸
途楓葉蘆花無限飄零

八聲甘州

背銀鐙敲折玉搔頭舊曲記都訛望娟娟一水芙蓉老盡秋
滿關河幾度夜深尋夢涼意透衾窩起寫相思句怕展輕羅

欲把閒情抹去奈金壺墨澹不敵愁多儘判花間柳歲月
總消磨憑寄語青樓俊侶向何人席上注橫波應否念樊川
小杜絲鬢婆娑

洞仙歌

秋曉

曉天一碧映鷗沙無際捲地西風響簌葦正林楓葉冷籬豆
花疎柴門外亂糝丹黃紫翠雁奴三五輩結隊衝烟渺渺
銜蘆渡秋水船尾老漁翁半掩蓑針還偃著鷺絲同睡漸隔
渚僧樓澹紅牆有鴉點零星木魚驚起

滿庭芳

詠長平箭頭

蛟脊磨穿狼牙敲折焦銅徑寸離奇土花紅繡腥血冷淒淒

想見鉞鋒貫札沙場上巧詫由基秋宵黑摩挲舊物忽憶銳
頭兒 當時秦趙壘金戈雨驟鐵馬風馳笑杜郵伏劍烏啄
殘屍欲弔長平坑卒興亡恨此日誰知休拋卻千年戰鬼重
見惹悲啼

西江月

聞歌

霜掣一繩白雁烟埋十里丹楓歌喉隔巷裊秋空拂拂梁塵
飛動 往日詩顛酒惱而今竹嬾絲慵檀槽脆度菊花風寬
盡沈郎帶孔

徵招

接友人札追感舊游有作

吳霜糝透樊川鬢維揚舊游如昨攜手向旗亭戀黃緞一握

香書傳別後惱春夢無端驚覺扇底香消箏邊歌斷鏡中花落
梁燕縱多情銜泥到難認那人簾幕儘力鐫相思聚黃
金成錯朱樓高百尺問誰覓歲裝仙鑰更雕籠鸚鵡聲聲把
渠儂調謔

唐多令

銀鑰響紅閨文犀鎖翠帷
猛回頭前事都非記得玉人顚顚
甚扶病起送郎歸
柳帶綠垂垂燕雛相對飛
倚闌干愁窹雙眉薄
命桃花春不管禁幾度曉風吹

一翦梅

小小蘭房夜不扃
鏡下調笙膝上捥箏歌喉一
弗玉瓏玲徐

度銀屏冷迸秋星 一別青樓萬恨生
烏帽飄零紅粉冷 舊游回首欠分明
春去無情花落無聲

洞仙歌

芭蕉

東風著力拓仙家 寶扇五尺生綃
妙裁翦愛清陰密鎖黛色
濃抽紅窗小 正字紗櫺遮暗
含情誰似爾 露壓烟啼歲歲
芳心背人卷無計 避秋宵涼雨聲聲
敲徧了 小亭空館儘署
得南州美人名也 翠袖天寒淚花凝茜

九秋詞

和沈匏廬太守韻

霜葉飛

秋林

明霞半繞疎林隙 空山都是斜照綠
杉蒼榭一株株 早被西

風掃漸幾葉江楓醉了嬌紅不比春花少甚秋色年年算祇
有長安渭水搖落偏早 好去隴首亭舉搢笻背錦攜朋同
事幽討寒鴉對語訴飄零愁滿秦川道任彳亍憑高凝眺暮
煙涼浸參軍帽怕從今減清陰不庇哀蟬夜深吟悄

憶舊游

秋寺

記潭空噴雨堂古留雲會咒龍歸梵宇西風急看雕甍紺瓦
都帶清暉諸天妙香吹散寒翠徑松迷對塔影亭亭暮煙如
水涼透僧衣 人稀曳芒屨踏半廊殘葉消盡塵機一杵疎
鐘響恁發儂深省偏在招提零落翟雲真相苔色繡珠眉賸
蟲語空階青燐火獨掩扉

鎖窗寒

秋煙

絮雨分晴羅雲迷爽碧空微黯一痕飄動知是那家樓館正
衰楊絲絲弄秋暮愁亘滿霜蕪苑更江楓霞抹洲蘆雪積溟
濛遮徧橫斷疏林半恁墟里依依不分真面偶然掠破識
是社前歸燕暈斜陽長亭短亭模糊水墨鴉陣遠望天涯暝
色消凝惹起征人怨

聲聲慢

秋砧

苔深畫檻葉墜瑤階碧空皓月剛圓入耳悲涼誰家玉杵驚
寒淒音乍沉還急正霜飛雲母簾前憑擣就流黃成匹錦字
迴環知否寒垣迢遞仗餘酸空外爲報平安欲寄征袍龍

沙戍客誰憐西風半城愁聽恍經過
窈女祠邊聲更遠料瓊閨生怕夜眠

玉漏遲

秋柳

高城涼月滿樓笳罷奏寺鐘停轉擊
戍何人繁響十分悲婉秋冷銅街似水
認隔巷一鐙紅遠風刮顫喚醒倦客驚
寒犬可是警夜森嚴有虎旅傳來柳營
桃館曙色關門何限旅愁鄉怨莫誤耶
當征鐸總一樣長途聽慣歸夢短蝦蟆
更敲斷

疎影

秋鏡

秋陰纖暝罨畫屏六扇暮色清冷薄
炷冰荷纖手移來紅梔

閃睽生暈忍涼坐待金蟲結怕簾隙峭風吹恁怨天涯歸信
難憑夜夜守殘孤影小膽空房易怯竟牀擁翠被尙留餘
燼錦帳幽歡羅箔星期夢裏幾回追省蘭膏流賸相思淚便
挑也何曾挑盡漸粉蛾飛散無踪空拔玉釵相等

綺羅香

秋衾

華羽綾織神絲錦膩幅幅製先秋節擣麝濃熏剝喜舊香難
滅記陳宮寶鴨溫餘有蜀沼文鴛眠歇幾多時風雨淒清象
牀獨擁到今夕新寒料峭依戀憶否合歡芳會繡池層疊
翠館參橫盼斷宵征人迹儘玉樓凍合頻偎任紅浪翻來慵
揭倚蚊幃夢醒巫峯墜歡誰共說

翠樓吟 秋蟬

翠柳霞明青蕪雨過夕陽黯澹收盡一絲疎欲斷早勾起離
亭新恨商飈潛引想綃翼嘶殘瓊綰啼損林逾靜暗中催動
漢宮秋信 孤影自顧翛然念居高聲遠賞音誰認露華能
幾許恁抱得枯枝偏緊泠泠清韻倩玉軫冰絃譜成幽迴霜
飛冷仙飄社散漸雕塵鬢

月華清 秋蟬

露冷瓊疏煙迷釵砌秋聲直恁淒苦乍咽還啼似把舊愁頻
訴警節序纔譜幽詩助歎息如傳歐賦幽緒甚裊來多在綺
樓朱戶 翠幌疏鐙搖暮想哀怨難禁夜深風雨半榻新涼

惆悵夢初回處儘傷心候
館離宮記傾耳豆棚瓜圃凝口憶
深閨人起暗尋機杼

一萼紅 落梅

惹魂消一聲聲翠羽啼過段家橋
籬角春濃樓心日暖何來
晴雪飄飄想心戀孤山逋客
曳縞袂迫入碧天遙
細蒂零星
難填恨髓已種愁苗
長憶苔柯竹外遲半酣粉靨特恁丰
標
笛怨華年波沈瘦影仙雲飛去
難招算只賸玉鱗香徑黃
昏月冷浸碎瓊瑤誰更拾他
嬌妬皺上冰綃

南鄉子

纔見又分離
小立風前淚濺衣
記得去年曾握手
誰知重唱

陽關一曲詞 強笑捧金卮別後音書到恐遲千里夕陽千
里月相思多在燈昏被冷時

金縷曲

更欲投何處謝東風飄然吹送天涯愁旅京國緇塵空染袂
重裊吟鞭南去把蕩子頭銜新署酒冷香消旗亭夜摘檀槽
誰唱黃河句絃未絕淚如雨 梨花寒食中原路記瓊閨纖
腰僂並手提金縷楊柳樓臺青幕歷斜日遠山無數渾不似
那人眉嫵春入琴心聲聲慢只似盟鏡約成孤負空目斷茂
陵女

風蝶令

黯黯雲如墨垂垂雨似繩殘春天氣思曹騰那更薄羅衾展
半牀冰夢斷高樓笛寒欺小閣燈魚緘香護鶴文綾早爲
蕭郎傳恨到東京

國香慢

春蘭

密葉低叢裊翠羅裙帶嬌嫋輕鬆江空楚魂初返淺笑東風
移傍杏紗櫺側璫窗小暗麝潛通芳心裁一寸何事人前加
倍薦紅故鄉春正好記瑤莖露孕縹蒂酥融盈盈啼眼良
夜端正窺儂老去逢仙張碩相思苦歸夢惺忪都梁渺何許
絃罷離騷早理烟篷

尾犯

春筍

烟村籬背努玳尖幾束輕雷扶起芳根不用銜蟬引漸鄰牆
添翠芒屨蹴折孕曉露清如水憶家山十畝芳塍料應春韭
同味 雅稱厨嫂纖指香苞重疊剝碎愛筠衣削玉鬆不粘
脣滑難勝齒燕子年光櫻桃街巷夢魂都脆拉困丁癡咒喃
喃暖風休展鳳尾

鵲踏枝

訪故明周郎官址

岸草汀蘋風簸蕩柳髮千絲黃入誰家巷古礎方花平似掌
落紅如雨深深葬 凝碧池空停畫舫春水生時燕子頻來
往寶瑟銀箏都絕響憲王樂府無人唱

高陽臺

桂魄籠烟蒲牢警夜市樓夜火星星倦擁香衾薄寒侵透吳
綾故鄉有夢休輕作算今宵猶是初程鎮無慘曲壓檀槽酒
點銀瓶 年年春色催離別悵鶯邊惹恨雁底傷情怕折垂
楊舊愁都在長亭清明遮莫來朝是徧天涯芳草青青更堪
他飛絮飛花隨路飄零

玲瓏四犯

竹簾

庭院深深訝一翦涼波當戶扶起織恨穿愁巧樣天然丁字
楚夢遠隔黃陵恁湘女淚痕猶漬倚雕櫳欲捲還慵香在博
山爐裏 碧闌干影空於水爨鰕鬚月尖風碎玳釘銀押都
依舊只覺心情不是甚日重看梳頭鉤徧真珠十二聽曲瓊

搖漾聲陡觸鸞釵墜

瑣窗寒 紗窗

冰壘鐫紅網絲界碧紋紗新補篩煙罩月隔斷纖塵來路背
朱櫺嫩涼襲衣柔颺滅盡些兒暑愛廊腰花放看時微暈一
層香霧 深護消魂處記斂息偷窺凭肩私語驚烏啼徹曙
色催人歸去賸金荷無燄剔殘暗蠟亂打渾似雨想瓊閨妝
罷沈吟同此相思苦

綺羅香 羅帳

蕙葉銷金蓮華蹙繡斗帳偏宜長夏八尺宮羅貼壁冷光新
研延月白霧縠空搖映燈紅水紋低瀉控流蘇烟縷垂垂文

犀銜角玉鉤挂 桃笙斜展睡覺最愛枕函茉莉暗香霏麝
分付柔飈不許吹開微罅悵久隔幽夢行雲盼重訴合歡情
話記當日爰撒芙蓉男錢相對灑

玉漏遲

藤枕

斑珠鬢寸翦方花織就錦紋深淺當暑橫陳溫玉臂支初換
永晝北窗臥處有紗帽隱囊相伴涼思滿潔俚綃幕滑依冰
簟 舊日妝閣同欵憶虎魄光凝鬱金油染嬌困暫騰低墜
翠鬟一半別後紅蕤空設有誰拭雪肌香汗推又戀清宵夢
回人遠

月華清

螢燈

屏角風柔廊腰露濕一星流過芳徑薄翦蟬紗小立桐陰潛
等觀瑣碎紈扇兜回驚閃爍玉纖籠定無影喜冰紋六幅罩
來幽靚好是香閨夜永挂茉莉梢頭折枝扶襯碧篴玲瓏
誤卻粉蛾飛近窺淺夢燭暗銀牀添涼思月沈金井微燼待
來宵滿照柳昏花暝

齊天樂

蓮蓬

曉涼雨過紅衣卸漣漪綠雲低護鬢褪宮黃笠翻羅翠捧出
芳苞無數波心撈取愛鴨背船輕載來吳女入手欹斜覆盃
濃瀉早秋露黃洲記曾蘸影照微彎象鼻珠顚懸乳多子
牽情空房惹恨欲擘又還疑口芳心最苦恁竟體柔絲裊成

千縷尙憶風亭碧筩消嫩暑

長亭怨慢

秋荷

漸狼藉銀塘風露翠蓋欹斜臥波無數澤國寒輕故衣零落
倩誰補曉煙低護遮不了雙棲鷺祇目斷殘陽正三十六陂
秋暮 前度記芳醪滿勸折取碧筩消暑鬧紅人散悵愁滿
葦汀菱溼最無奈酒醒烏篷儘聽徧半湖涼雨賸香飯新炊
包著雕胡歸去

八聲甘州

清暉書院而城枕河荷塘十餘畝紅香冶麗

漸稀余以戊戌九秋挈桐鄉勞介甫南樂段筠坡同
來訪之天空沙濶四顧蕭然黃蘆有聲髡柳餘碧因
填此調以酬寂

寶並誌游蹤

渺空蒼望極悄無人
高樓與雲平正煙
籠斂盡殘陽倒射紅
瓦朱甍曲徑霜蕪
暈綠濕葉慘漁汀
便有江湖思畫舫低橫
一自淩波珮解悵重尋勝引難賦紅情任泉枯石瘦臺榭
鎖幽清賸愁人衰楊幾樹裊長堤吹老舊秋聲西風緊一繩
涼雁瞥過荒城

齊天樂

碧雲界破殘陽影敲春數聲疎雨塘澀冰漸隄迴草夢人在
畫樓□□垂楊自舞望千里蘅皋舊愁來處寶帚塵封倚闌
空索綵桃句年華頓成過羽甚東風薄倖離恨吹聚麝帕
香盟鸞釵密約禁得幾番孤負星郵路阻盼不到天涯洞簫

庭戶綠漲烟深斷魂雙燕語

疎影 水仙花

湘臯春曉訝宓妃出浴步下瑤島
鞦韆窄凌波厯淡含烟霓裳舞罷
猶鼻鉛霜密護宮羅葉總不惹蝶
嗔蜂惱占汀洲雪近沙昏依約采
珠人到環珮空歸夜月飛瓊照瘦
影幽恨同抱欲喚冰魂江路清寒
蹙損亭亭風貌朱絃十五聲危咽
忍重譜怨琴淒調賸翠裙幾褶娉
婷目斷水空天渺

暗香 前題

嘉興沈 濤 鮑廬

一叢冰萼有清泉白石靈根堪託
綽約仙姿縞袂相逢慰離索回首
湘臯珮冷看瘦影娟娟如昨恰好
結綦弟梅兄

來共歲寒約 商略試評泊算空谷幽蘭比來還錯雪鬢
風惡紙閣重重下簾幕一自王孫去後有誰念國香零落
賸幾幅雙鉤水墨淚痕和卻

玉漏遲

短亭攀稚柳宮腰一捻碧絲千縷香絮茸茸都是相思搓就
忍憶鶯邊訴別幾折贈莢苗纖手分攜久薄寒天氣中春時
候底事飄泊江潭對此樹依依繫情偏又顯淚凝珠滴滿
翠尊瓊甃天遠秦樓甚處料靜夜難乾蛾袖催人瘦歸鴉數
聲低咒

聲聲慢

桐鄉勞介甫暨淑配沈芷香女史俱工爲詞余來洛州出所撰桐陰詞相示紅閨雅製亦得時

窺一二大都丁當清逸一掃聞磬治習介甫詞引商
刻羽尤有碧山玉田之風雨窗獨坐循諷不已爲進
此詞介甫常僑居
揚州故詞中及之

鸞綃寫韻象管圍香秦臺攜手飛瓊一寸琴心都付銀字雙
聲江南俊游天遠悵竹西歌吹誰聽留滯處只微雲句好畫
徧旗亭 難得春燈同翦任籌花門酒慰我飄零清致翛然
寶洲笛譜翻成珊瑚幾回擊碎怕龍吟喚起豪情訂後約坐
桐陰同話舊盟

浪淘沙

題沈巖莊寸草春暉圖

芳草色芊絲綠暈湘烟春暉晚夢北堂前寫到紅心裁一寸
清淚如鉛 往事倍淒然霜萎庭萱夢我詩廢十多年任爾

卷旒都拔盡此恨難湔

高陽臺

帖屋星黃窺窗月縞畫廊十二惜惜闔了銅龍雲譙虬點初
沈柔飈一翦涼於水比秋光先到園林洗桐梢重露無聲滴
上羅襟闌干刻徧相思字悵碧璫緘札屢誤佳音冷雨疎
槐空傷節序侵尋哀蟬啼到三更住怕撥人清怨難禁夢紅
闌香減銀奩塵網瑤琴

清平樂

征鴻過去拋下愁無數靜夜水沈香一縷聽盡亂蛩疎雨
舊家庭院紅樓畫簾不捲深秋如此淒涼天氣可曾籠上瓊

籌

月華清

歌郎藻仙醒香主人侍史也墨華猛謝倩影空留主人繪清宵憶月圖川誌悲悼石頭居士讀

而傷之爲

綴此詞

雪魄難圓冰魂易缺名花彫盡風雨碧海青天此恨怎生分
付墮塵劫些少年華翻豔曲幾多愁譜歸去悵彩雲飛散總
無尋處小像櫻桃一樹儘熏微沈檀不關淒楚憔悴潘郎
吟斷鬢絲幾縷鴛牒在淚凝紅冰麝骨冷翦平黃土題句只
墜歡如夢那堪重訴

望江南

憶津門舊游十五首

津門憶最憶是河豚玉盃光寒凝乳汁瑤肪味膩沁牙齦苦

芭嚮同心

津門憶芍藥最關情金縷囊簪香棗鬢玉盤盃插古銅瓶首
夏賣花聲

津門憶纖手摘櫻桃黃篋籃兒紅豆滾赤瑛盤子蠟珠拋屑
樣十分嬌

津門憶消夏百梅湯桂蘂香浮蕉葉殘冰絲冷滌蔗梢糖銅
盞響丁當

津門憶香玉指續紛穿个繡球圓似月挂來紗帳爛如銀夜
擁薛靈芸

津門憶茉莉綻芳苞不耐檀郎熏綠茗潛呼小玉裏紅綃暗

蔚滿裙腰

津門憶新到橘千頭剝殼點鎧紅奪錦帶瓢壓餅釵成球剖
出洞庭秋

津門憶飽喫內黃侯蜀國風情黃細糝菊花天氣酒新篘那
管有監州

津門憶鱗族鱠銀絲網罩水晶人樣子筐傾溫玉筆尖兒白
小味輸伊

津門憶仙卉傲殘冬舊譜有名呼雅蒜孤芳無子類慈蔥波
濺玉玲瓏

津門憶憶煞水西莊樓影動搖新綠水柳絲斜搭淡紅牆僧

語雜興亡

津門憶小巷枕官河漆砑板扉青悄悄烟皺瓦屋翠羅羅門
內麗人多

津門憶二月門風箏斑竹擘分蝴蝶翅彩繩高曳鳳皇翎
夜響棖棖

津門憶記在帶河門是處畫船繫錦纜誰家飛轎逐黃塵
氣一天渾

津門憶風景似揚州老去樊川春夢破鬢絲零落不禁秋
負少年游

空青館詞彙卷一

空青館詞藁卷二

任邱邊浴禮袖石

賀新涼

題陳侍御慶軍悼亡冊

畫省彈蕉手有蛾眉朝衣捧著代聽清漏生小芙蓉江上住
盛鬢豐容娟秀稱才子金閨嘉耦底事曇華纔一現甚罡風
吹損靈和柳華嚴劫刹那驟粉郎一慟成消瘦玉鴉叉展
來遺挂碧紗牕牖留下斷腸花幾幅露葉風枝倬傴都化作
相思紅豆成佛生天無是處盼韋簫膠合來生又淚謾滴身
袍透

齊天樂

題戚小蓉敲茶根圖

芳畦幾稜秋容淡嘉蔬綠紫籬背小摘含香微烹帶汁紫甲
紅丁相配輕鬆叩齒便不數江湖藕鮮菱脆鹽豉休加味含
風露自然美 知君託意高潔笑人間肉食一例堪鄙鯁食
封餘鱸鄉夢遠添奉北堂甘旨柴扉穩閉話老圃心情英雄
身世小立攜鉏豆棚斜照裏

疎影 畫芙蓉

蔦紅一翦向楚江深處描出清怨弱不禁愁嬌欲含顰西風
壓幘吹晚涼波浸影渾無語暈半頰脂痕濃澹算汀洲無數
秋芳不似此花幽豔 長憶寒來木末含悽弔正則騷賦吟
徧霞外銀塘夢裏仙城香霧冥冥人遠年華遮莫傷遲暮尙

拒得青霜無限剡文鴛宛頸相偎暎上畫屏雙扇

沁園春

答陸費芝卿

路指樊輿城郭依然重訪舊游笑半肩行李塵欺短劍一天
風雪冷偏重裘阮籍途窮張儀舌敝刺字消磨何處投旗亭
句儘雙鬢低唱難撥羈愁雲間小陸風流肯臥我元龍百
尺樓喜鐙前擊鉢箋分蜀郡花間洗筆酒進涼州僕病疎狂
君懷磊落語不驚人死不休生平事試交尋爰灌兒命融修
芳草

翦難分嬌煙凝翠望中盡是離愁暖風南浦外香蕪絲遶綠
過汀洲尋春春更遠但粘天芳意悠悠試緩步裙腰六幅裊

帖溫柔 航游雕鞍錦埒王孫老未說歸休西園蝴蝶亂玉
人攜手地弓印應留韶華容易改悵紅心知爲誰抽暗悵惘
柳絲漸少莫去登樓

壺中天

煙深波渺悵海天斷夢飛向何處起拓烏篷然絳蠟一穗濃
吹香霧過雁驚寒歸漁唱暝不抵清陰苦鸞綃研損悲春自
捐新譜 已是聽水聽風淒涼百種更瀟瀟夜雨飄泊江湖
恁草草換得髭絲如許燕子簾櫳柳絲池館俊約成孤負回
腸九折暗潮嗚咽東去

齊天樂

春流碧玉微茫裏扁舟繫來疎柳綃帆圍香羅襟搵翠記得
臨歧攜手離腸暗逗分萬斛相思各天消受犀押簾空靚妝
還似別時否 丁沽弭棹重問紅芳歌吹遠樂事難又巷冷
銅駝箏開金雁何限傷今感舊年華水溜只老去劉郎不禁
僝僽試問歡場夢中誰最久

木蘭花慢

天涯芳序早裁上巳又清明正薄暖餘寒池臺黛淺樓觀烟
輕牽情柳絲萬軸織宮黃嬌靚護啼鶯翠榭連村貰酒玉簫
隔巷吹飴 消凝十里旗亭鳴弱鷁趁歸程念油壁車閑秋
千索散冷落香盟杯行莫辭到手只清愁祓了又還生倦倚

東風小立醉魂怯聽瑤箏

西子妝慢

花韻霏紅茶煙攔翠寂歷綠陰庭宇枝頭小鳥帶酸啼問濃
春爲誰歸去東風斷後頓拋下天涯愁緒更撩人是鄰牆楊
柳亂吹晴絮 緘新恨鳳紙裁香題徧消魂語錦袍烏帽事
英游甚年華易成遲暮留鷺縮燕總難忘舊盟鷗鷺待何時
羅帳燈昏聽雨

雙雙燕

用史梅溪韻

杏梢粉墜糝一味春愁畫泥香冷烏衣舞舊怯伴曉鶯飛並
自別風簾露井便栖也何曾栖定幾回覓徧巢痕塵鎖茜紗

園影 花徑苔紋綠潤忍忘了盧家玉容嬌俊海天寥阻微
雨織成新暝何處雕梁睡穩好盼到社前歸信省他十二朱
樓鎖日澹妝人凭

慶清朝慢

友人齋中見白芍藥花清麗可念惜
其行將落也有觸於懷爰綴此詞

瓊蕾無塵仙葩有韻生來秀骨玲瓏綃衣表潔一枝獨占珍
叢可惜素心難託曉遲暮殿卻春風真孤負蛾眉色澹獼臙
香濃 倘使移栽畫省怕翻階靚影妬煞蕙紅芳時過了凝
酥掃地全空狼藉玉盤新樣再無清賞似坡翁銀屏角年年
閒謝知爲誰容

齊天樂

題楊伯夔刺史所集蠶紙詞

詞壇韻事消磨久老成半彫風雨閣冷茶烟樓空棊畫誰招
黃洲遺譜良工心苦把碎錦零紉拾來無數別有深情并陽
佳製共千古蠶眠字題綉紙香名拈獺祭粉暉新署花外
瓊簫尊前銀字不數西泠南渡玉臺親序是悱惻溫磨賞音
人語珍重琅函雉頭傳片羽

風蝶令

題華竹庫鳳山得佩圖佩爲象牙所雕而刻宋
賈昌朝玉樓春詞一闋有子明小印迴圓約五

寸有奇製作精妙蓋北宋故物流轉於南
渡後者竹庫得於西湖鳳凰山下紫賦

仙佩脂同滑香詞錦不如子明小印刻連珠不省何年拋擲
向西湖玉馬朝周遠紅羊換劫餘六陵風雨冷青蕪誰記

舊京當日賈姑姑

賈姑姑事見東都
事略昌朝本傳

百字令 游永甯寺

綠陰多處喜華鬢法界房開青豆花外風飄疎磬語早有瞿
曇招手奚蔓藤垂芳筠篠嫩鋪地苔茵厚石床小憩妙香吹
下晴晝 迎面一桁遙山曉來雨過展放修眉皺此地蒼寒
宜散髮撲去紅塵盈斗馴鴿飛還定猿眠熟雲氣涼吹袖諸
天金碧佳游彷彿靈鷲

洞仙歌

闌風薦爽攪半空疎雨點點聲聲灑窗戶看波涼簾押潤裊
琴絲縹暈閃一朵釭花微吐 離心澆欲碎如此深宵不省
淋浪甚時住天遠雁書沈數盡蓮籌比往日江湖淒苦纔夢

到天涯猛驚回憶紅燭歌樓舊曾聽處

水龍吟

題金亞伯廉訪大江汎月圖

水天一色空濛大江日夜東流去鯨波不動鱗雲乍散兔華
新吐倒影凌虛冰輪浴彩練光搖霧看朱旗畫舸文星過處
聲伊軋聞柔艣招手金焦對語倚篷窗錦袍口口濤崩雪
捲瓜洲鐙火秣陵煙樹對此茫茫料應祇憶瓊樓玉宇試攜
將鐵笛臨風三弄喚魚龍舞

摸魚子

又題辛夷花館圖

占先春緋桃穠李公門舊種無數耽幽別拓閒池館移種平
泉嘉樹苞乍吐正文杏飄香隔葉黃鸝語倚欄口口愛粉嫩

含毫脂溫脫穎豔奪輞川塢
薇階靜彩筆濃沾仙露綠章

封事親署西京異卉傳新雉
繙取元亭遺賦臨澗戶看一品

宮袍匝匝彤雲護清吟漫與
算不比年時杜陵野客開落怨

芳序

甘泉賦列新雉於林薄
師古注新雉卽辛夷也

齊天樂

贈鍾崧生

十年沾上春風夢樊川醉魂醒未
錦瑟幽悰金荃妙筆肯被
微官羈縻相逢笑指恁吹老緇塵
髩絲霜脆泥瓜重尋蓬萊
清淺舊游地
黔陽解裝隔歲詩瓢和藥裹輕
擲流水瘴雨
飄黃蠻花織茜不洗騷人愁髓
蕭寒滋味怕客榻孤眠綺懷
勾起自譜香詞碧窗銀燭底

前詞 訪遼后洗妝樓故址

薊門淺草殘陽路脂香粉痕猶賸倭髻盤鴉鬢鬆貼翠過雨
山鬟微整遺墟暗省記花簇瓊梳柳圍珠鏡一桁晶簾闌妝
低彈綠雲影 千年玉容誰在御溝波寫怨曾照嬌靚述律
宮荒觀音院圯鵲淚苔花紅凝繁華夢醒祇塔火宵熒戍煙
秋冷魚尾霞收月眉窺夕暝

木蘭花慢 贈陸費端卿

朱弦絙錦瑟彈古調與誰聽笑蕙帶荷衣緇塵未浣重話漂
零芳年夢中催換怕霜林鷓鴣怨秋鳴花外香詞銀字酒邊
法曲瑤笙 陸郎彩筆多情比屋締鷗盟愛芳草唼餘梅花

賦就別樣幽清心憐故人騷屑渺江關愁損庾蘭成借爾衍
波箋紙曉寒同贈飛瓊

齊天樂

題謝信齋瓦當文拓本用楊伯夔刺史韻

茂陵烟蝕昆吾玉文鴛淚珠凝片薄垣裁雲圓規儷月小比
合歡團扇液池波暗悵玉葉清陽洗餘蒼蘚桑海千年椒風
吹老史游篆華懷杏梁高揭神君悲化去仙夢難幪秋冷
芝房霜彫桂榭值得劉郎腸斷西京路遠愛櫛櫛銀鱗百朋
新換古色摩挲魏臺銅雀伴

疎影

紅梅

苔枝半亞認春前雪後紅雨飄灑猩色屏深一信東風開到

夕陽庭榭藐姑天賦餐霞貌渾不記粉嬌香姘比石家金谷
珊瑚幺鳳綠毛低挂記否唐宮韻事飛來脂暈小添倍姚
冶花譜圖成合吮丹臺皴上血羅裙袂還教移種元都去便
減了天桃聲價伴逋翁卯酒溫餘隔座玉顏微赭

前調

蠟梅

孤山春淺傍疎籬六枳破臘開偏枝北枝南照影橫斜宮羅
薄縠誰翦檀心半坼嬌無語費幾日夕陽薰染似靚妝塗頰
人歸悄立嫩寒庭院別有天然丰致黃繩入道久縞袂初
換誤認春前江路垂垂綴樹蠶脾如蠶盈盈金屋安排好莫
輕被朔風吹卷祇月明夢醒羅浮惆悵寄書人遠

金明池 本意

城柳啼鴉汀沙宿雁鳳艚龍旗何處想當日雕青惡少草草
把河山付與儘生平志在燕雲便募取十萬黃頭禁旅看鐵
甲呼風金笳激浪池面魚龍爭怒世上英雄本無主恁好
个家居有人偷據陳橋變將軍袍換韓通死忠魂血污算古
來青史茫茫只寡婦孤兒興亡難數賸碧甃煙昏荒灣月白
依舊寒波東去

蝶戀花

倦柳風梳顚額影慘綠霜蕪堤背行來永渺渺銀塘波十頃
殢人一片江南景舵尾漁翁眠未醒曉露疎星涼綴絲竿

頂昨夜商聲搖不定亂荷殘雨鷗心冷

賣花聲

劉月

皎月挂晶丸桂影誰看畫羅衣薄倚闌干不信瓊樓高迴地
有此荒寒 仙夢散迷漫箇韻悲酸人天小謫總無端收取
閒愁千萬斛交與離鸞

清平樂

五張六角往事思量著翠燭一星風刮落記在那家簾箔
曉鴉啼散行雲恩恩羅袂輕分難忘碧紗幮底夜深手拍秋
蚊

金縷曲

漂泊何時了。恁年年、衣霜塵土。髮摧蓬葆。劍依人成底事。
羞煞青袍似草。算百計還家最好。學圃學農都不慣。笑還家
依舊愁難掃。空打出、閑居稿。西風消息。蟬知道。咽軒庭琴
絲一縷。碧牕秋曉。檻外疎桐飛似剪。一夜秋聲聽飽。都併入
愁人懷抱。莫上高樓頻望遠。斷魂天涼雁歸飛渺。離別恨倩
誰表。

八聲甘州

答金改之

灑東風別淚。溼征衫、北遊挂煙帆。似靈均初放。楚陰騷屑愁。
滿江潭。一路沙虛月。冷風水、換郵籤。對訴飄零感。檣燕呢喃。
說與依人滋味。便候鯖飽喫。難療清饒。且籌花鬪酒。翠管

戲分拈望揚州夕烽傳警暗關情十里舊珠簾尊前意寫烏
絲句分付何哉

高陽臺

粉萼飄瓊碧簫吹玉故鄉回首天涯千里英遊片帆鷗外春
沙孤尊醉倚悲歧路悔虛名輕誤才華謾憑高滿眼秋陰滿
耳邊笳 征鴻過盡書難寄裊半襟涼思樓月西斜料得深
閨寶釵剔碎燈花百年幾許團圓日甚詞人偏愛離家暗消
凝霧閣雲窗窈窕紋紗

絳都春

雁來紅

芳叢旖旎映畫檻六曲平添秋意落葉打窗昨夜高齋西風

起羅帷燈暗聞清淚早涼雁一繩飛至曉來看取圍階翠帶
染成霞綺絕似啼鵲弔月灑枝上點點淚痕新漬箏柱聲
中篩得空庭斜陽碎相思欲向天涯寄待拚做桃花箋紙配
他夢穗萸房豔妝休洗

瑤華

白秋海棠

苔垣翠疊栽徧秋芳讓此花幽潔金鈿寶粟算未抵玉骨亭
亭清絕蛾眉淡掃渾忘了胭脂勻頰抱素心一點誰知付與
病蛩淒蝶珍叢移種瓊閨有萬斛相思閒共花說鉛華淨
洗珠露冷粉淚斑斑盈曉天寒袖薄問誰解柔腸千結怕新
霜點上冰綃瘦卻個人肌雪

摸魚子 秋蘋

憶春前采芳南澗蘭舟一棹容與水風淺掠江樓暝吹老翠
鈿無數波濺處恁經慣揉藍翦綠疎疎雨秋心淒苦賸冷落
斜陽那回曾照五出白花吐 凭欄望葉葉零煙碎露斷腸
楚客凝口香名縱許珍珠換多恐美人遲暮牽遠緒算身世
漂流此恨和誰語柳詩慵賦但涼冑萼絲瘦圍荷鏡愁對越
溪女

花犯 木芙蓉

夕波寒秋江遠涉逶迤撥蘭棹木蓮花好漸粉怨珠啼煙際
閒早靚妝不逐霜華老紅深兼翠窈鎮寂寞玉容微醉霞裾

風暗嫋 年時對花結同心冥冥踏紉霧仙城雲杪歡夢短
嗟往事花應知道憐嬌娃欲攀又住空悵望瑤姬芳訊渺但
護取練塘深處眠香雙鴨小

石州慢

初寒

薄暝搖窗涼吹暗喧梧葉吹落瓦溝霜色微明陡覺寒生羅
幕纔眠又起厭聽唧唧陰蟲哀音啼徧闌干角瘦影一燈紅
伴愁人蕭索 芳約麝囊粉褪鸞帊香跡不成拋卻傷別傷
秋此恨年年經著瓊簫籠未料得似水鴛衾夜深好夢頻擔
閣顚顚怯添衣漸纖腰如削

齊天樂

塔鈴

空心悟徹西來意年年舌存無恙寶柱淩虛金繩絢彩搖曳
四禪天上輕圓簸蕩正雲斂瓊觚霧晴珠網夕照紅邊一聲
聲自答清響祇林夜深人悄風絲飄替戾到耳偏爽花護
唐宮雨淋蜀道無此梵音淒亮檐牙月朗伴幾杵疎鐘做成
惆悵塵夢驚回佛燈殘穗晃

前調 瓶笙

雪窗殘夢初回處清音送來嬌婉竹竈煙飄花盜水沸活火
一簫紅煖銀簧乍展裊空際遊絲連環不斷禪榻悄悄夜深
誰與奏鴉管松風颯然欲作訝雲和曲譜宮徵移換似訴
如啼將調又住吹徹小樓幽怨仙經靜檢記酒渴香消舊曾

聽慣倚枕呼僮試湯斟蟹眼

百字令

秋晚友人招飲夜半始歸獨坐成此舉似改之

年華似水問能消幾許天涯芳事草草逢君同失路做到貂裘如此斷柳枯蟬寒花病蝶愁滿斜陽底舊遊回首僧樓寺
寺閒倚縱使鸞扇招香蝶裙圍玉難遣尊前意醉擊珊瑚
吟古調怨入湘娥山鬼秋老關河夜涼風雨飛夢空迢遞青
鞵辦就甚時商略歸計

點絳脣

題畫

鷗雨空濛茫茫遠樹青如薺畫船斜艤漁笛風吹起潮落
潮生不管人閒事烏篷底楚天新霽夢與秋無際

洞仙歌 六首

吳中小部有佳人絕代秋水芙蓉出塵壒喜芳名九晚譜入
騷經渾不比空谷尋常蕭艾蛾眉矜淡掃宮樣妝梳妬煞
脣朱與腰綵小立試輕軀步上香茵儼飛燕受風情態悵底
處惹人劇消魂是翠玉簾前猛迴嬌睴

蘭閨麗質惹春情挑逗遲日尋芳後園走鎮牡丹謝了開到
荼蘼早又是鶯老花殘時候巫雲飛入夢雌蝶雄蜂隨意
梅邊締珍耦分散太恩恩一縷離魂便做到粉幃香慙算有
日雲房續幽歡認畫裏真真可還依舊

參橫斗轉盼仙郎不至靑豆房空鎮無俚正月痕涼沁瓊色

袈裟凝眎久十二畫欄頻倚
琤琮風動竹蔭地檀來側注
橫波雜驚喜一笑卸頭眠百種嬌嗔儘消向蕙花帷裏最惱
是雲階曉鐘鳴又半捲香衾把人催起

魚波滑笏載湖船三板最愛兜娘踏搖慣看綠蛇堆髻紺螺
飄裙掩映著血色訶梨新豔
喉珠拋噤噤腮煞吳音唱到
瓊窗五更轉廣座悄無言風水聲中墜一朵嬌雲天半縱喚
到無情木腸兒聽暮雨瀟瀟也應魂斷

尊前軟語問櫻桃年紀瓜字初分正嬌穉愛天然生就顰骨
瓊瓏偎人處無限蘭情水意
調鸚揲小袖一握春纖芳澤
溫磨暗中遞隱謎故相嘲薄怒伴噴燈影射頰渦紅膩任並

坐殷勤勸香醪便百罰深杯也拚嘗試

旗亭貰酒數狂朋俊侶金雁箏邊客三五只相如病渴減盡
風情蕤勾起年少冶遊心緒 名花容易老分付東君露葉
煙苗好訓護一燈合歡綾小像圖成儘熏徹水沈香炷待後
日重逢話相思認傅粉何郎舊時眉嫵

國香慢

效張玉田贈沈梅嬌體

空谷幽芳是鄉親蘇小同住錢塘春宵背燈初見綰髻塗妝
風裊留仙裙摺偎人處笑語生香羅帷悄同夢清淺銀灣不
隔紅牆 相逢重話舊甚花顚玉頰減盡容光墜歡天遠提
起祇益淒涼惆悵樊川老去縷金衣孤負秋娘含情解瑤佩

幾點啼痕彈向斜陽

祝英臺近

舊知名新展靚情話共分割蚪箭聲沈絳蠟熬殘候可憐媚
上眉心慙生笑歷還作意千攔百就枕酥手一宵淺夢濃
香回環儘消受鴛錦猶溫無奈別離驟惱人油壁車輕載春
歸去猛唱斷曉風楊柳

憶舊遊

歲暮送改之赴衡水

正珍叢款蝶穉柳呼鶯遊賞青春風雪年華暮甚乍成芳會
先引離尊錦香背花偷擲無夢戀行雲賸一點柔情酒波搖
蕩隨上雕輪臨分寫深怨對金屑檀槽暗惱輕顰試綰鴛

鶯結怕豔歌十索添倍消魂玉樓馬嘶人遠誰與拂征塵但
密約重來枇杷樹底同叩門

齊天樂

細梅催轉東風信天涯錦箋傳到鶴嬾飛遲鷗寒別苦回首
嚴城霜曉陰鞭獨裊算作計輸君賦歸不早朔雪征途飄零
共惜鬢絲老他鄉樂事最少況尊前振觸俊遊懷抱搓絮
池臺笑桃門巷空憶翠鈿嬌小燒燈近了寫花市香詞譜成
愁橈攜手何時待將離恨掃

翠樓吟

倦客心情中年氣味花叢漸嬾回顧春風門巷小記桃臉初

相逢處橫波偷注正燭燄飄香爐熏吹霧添嬌嫵瘦瓊依約
縷羅微步念汝粉色天然儘畫樓獨占翠鶯紅嫵昔遊重
數徧悔前日尋芳多誤琴心箏語蕩酒力三分詩愁千縷留
歡住隔簾端正玉蟾窺戶

百字令

自題聽雁聽風雨小照

朝來擘鏡歎華年似水平頭三十豈有文章驚海內歲歲他
鄉橐筆紅豆新詞金荃小令畫徧旗亭壁疎狂自笑虛名此
日非急最憶一雁飄然長安索米寒透雙飛翼身世輸贏
棋換劫難保鬢絲如漆風雨刁騷關河半落今夕知何夕故
山歸好草堂貴問誰給

空青館詞藁

卷二

五

齊天樂

碧梧池館驚秋早。深秋異鄉孤旅。燈灺簾空，香消簟冷，窗外西風吹雨。哀箏幾柱。有涼雁濛濛，裂雲飛度。滿地江湖，平沙一曲向誰譜。年來此聲聽慣，恁離心攪碎，別樣淒楚。紅燭歌樓，青衫酒暈，夢裏舊遊何處。更驚暗數，惹多少天涯對牀情緒。繫足書輕，寄愁交迅羽。

璵璠四犯

題前圖

桐鄉沈濤菴翁

凍月墮簷清霜窺鏡年華堪歎如羽昏鐙搖暗壁短夢欺孤旅歐陽賦情謾與正相逢舊愁來處碎滴更闌亂喧天半都伴瘦吟苦西秦怨深遲暮悵江空歲晚如此羈緒

絕憐青兕客總被荒雞誤幽并躍馬頻年慣渾忘了煙波
柔艣憑聽取啼螿又聲聲似訴

摸魚子

同上

英山金泰改之

只疏疏不多水墨居然秋意如許一繩涼雁飛無定響偏
一天風雨聽得否偏有箇悲秋人在消魂處年年聽取那
怪得青衫者般蕉萃絲髩半霜縷淒迷甚夢裏深閨砧
杵夜寒吹上窗戶層陰眼底關河隔還憶金臺倦旅離思
苦問何不傳書畧畧同歸去人生幾度得小住家山對牀
燒燭遣此歲華暮

洞仙歌

題改之詞後

江東詞客愛揚州煙月花底怱怱輕別算滹沱過了又渡
桑乾愁底蕙帶荷衣衝雪復翁仙去後減字偷聲一辦
心香向誰燕翦燭話飄零俊語消魂怕提起舊家時節祇夢
裏曉寒賦初成比夜雨梧桐一般淒絕

滿庭芳

槽鳳翻飛箏鷁艷舞粉塵吹滿雕梁綠幺弄罷闌掃理新妝
隔座瓊瑜紅煖屏風小護玉籠香流連慣深杯到手忘卻在
他鄉歡場容易散春隨影逝夢比雲涼賸十斛閑愁口滿
柔腸有日維揚重到更誰識杜牧疎狂虬波滴燭花微燼鉛
淚膩銅黃

空青館詞藁卷三

任邱邊浴禮袖石

長亭怨慢 送陸費端卿之蘇州

纔吟徧鳳城秋色慘袂塵沙又催離別夕照金臺西風高柳
爲君折玉簫聲咽留不住雕鞍錦勒馬首梅開正驛路霜濃
時節淒切對孤尊酒熱倚醉更歌新闕葦蕩臥雪忍拋下
故人蕭瑟拚今宵夢逐征輪好同看吳門煙月待寄慰相思
莫惜瑤箋千疊

八聲甘州

夏日游蓮亭荷花之盛過於往日計予不到此間已三年矣撫今追昔醉歌此調呈鮑翁

繞虹梁歛棹溯空明芳會憶年時自詞仙去後花零粉怨猶

老秋絲難得觀蓮佳節選勝酒重攜卅六陂塘遠波濺胭脂
坐有歐蘇賢守對風裳水佩勸酌瓊卮問紅妝無語應笑
我來遲暗惆悵佳人天末采幽香誰與寄相思新愁滿譜江
南弄唱過邪溪

賀新涼

得湯子厚書賦此奉答

滿紙淒涼恨是良朋三千里外傳來芳訊落珮倒冠歸故里
病骨峻嶒殊甚詎料得鴻妻先殞烽火連天江水黑痛怱怱
淺土蕪孤櫬牛衣破帽同殉 安仁淚向寒宵搵暗消魂文
成歎逝血痕酸沁我爲君言宜作達看取高堂霜鬢莫謾把
吟軀愁損哀樂中年腸易斷遣悲懷試效亡何飲榮枯事等

朝菌

齊天樂

不多征路千餘里。年年往來都慣。野飯霜衣，城笳淚火，數盡郵籤長短。東風送暖，漸草長雲昏，絮飛波軟。倦旅翛然，淒涼大似北歸雁。
垂楊舊曾繫馬，嫩黃搖曳處，離思消黯。紫曲分花，青簾過酒，夢裏愁深歡淺。鄉園目斷。賸撲帽塵香，玉鞭低縮。雨洗疎蕪，翠塍斜照遠。

摸魚子 答改之

賦閑情，釵微釧，逐墨痕香澹。紉素鳳，城小聚還分散，抖擻半襟塵土。鞭囊處，趁翠溼歸輪一角，西山雨旗亭醉舞甚大好。

他鄉萸觴佳會天意不輕許
瓊筵側鎮日移宮換羽豔詩
偏嬌芳緒萍蹤漂轉成秋帶
淒絕燕來鴻去留夢住最難忘
碧紗攢燭聯床語花晨酒暮待手採連蜷因風寄贈招隱慰
孤旅

前調

英山金 泰收之

近城南連雲甲第歌鐘聲沸天
半玉堂人比梅花冷門巷
蕭然塵遠青鬢短算奉母閒居不爲朝簪戀文窗靜掩但
妙墨題裙新詞振筵兄弟共酬勸
鷗盟舊幾度過從未厭夜談樺燭留翦麗譙一角斜陽暝無奈吟鞭催返游已
倦自閉置車帷豪氣頻年減曰歸歲晚待花市探春酒鑪

捉醉俊約甚時踐

風入松

相逢不改舊疎狂笑語生香華燈紅照相思字是年時彩筆
題牆縹緲行雲楚岫輕盈飛燕昭陽珠喉一弄韻飄揚綠
酒親量玉容半醉嬌無力偎人處竟體芬芳說道今宵休去
小樓殘月昏黃

高陽臺

豔影驚鴻香絲裊麝十分春滿窗紗道罷勝常嬌顰隔座呼
茶尊前低說韶年紀正盈盈碧玉分瓜惹消魂帶雨嫣然一
樹梨花胭脂巷窄重來訪悵金鋪鎖合粉墜枇杷眉月空

彎照人何處天涯相思海樣量難盡
賸夜深孤囀紅霞帶
閒愁雨井煙垣飛絮天斜

三姝媚

絳雲樓石印

青琅玕一寸是曾經焚餘灰殘燼鐵綫銀鉤裏綠綈千寫
尤泥香沁紅豆花前自什襲團窠鴛錦鏤雪鐫雲押倩薜蘿
玉纖脂暈零落南朝金粉嘆縹帙煙飛畫樓難問柳老章
臺甚連環珠篆不隨同殉著手摩挲謾振觸滄桑幽恨配取
河東妝鏡清光未豐

摸魚子

擁花驄蘭塘梅約垂鞭閑覓芳豔珠燈半燄扶殘醉吟袖夜

深同縮街鼓紉還戀著碧紗玫燭歌塵暗瓊卮恨淺任笛底
箏邊酒痕醺醵紺翠一衿染 嬉春會幾度雲搖雨散玳梁
巢燕都換明漪帖帖風鬟彈似否玉嬌香軟愁目斷望千里
滄波秋與人俱遠疏麻寫怨想冶習游情也應寥落抱影閉
空館

前調 題潘順之西湖送春卷子

問年年送春歸去春歸知在何處絮塵吹滿江南岸片片落
紅無主縈綺緒甚一夜東風蕩起愁千縷湘絃慢鼓賸癢水
空煙鉛華淨洗冷漲半湖雨 銀樓角粉鴻含悽低訴傷春
人倚朱戶兩堤芳草茸茸碧多少瘴香荃土鶯燕誤算怎不

雙飛攔住春歸路韶光悶數向濃綠陰中
銘花誅蝶自招斷腸譜

祝英臺近 題鄭州店壁

卸蒲帆停桂櫂行李一車載帽影鞭絲紅樹夕陽外到來帘
字飄揚三家店小喜濁酒半壺先買解裝再往事十七年
前光陰水流快去燕來鴻詞客髭顏改劇憐聖壁重新呼燈
覓徧已無復舊題詩在

踏莎行

香霧籠嬌錦霞園艷翠羅屏角初相見紫蘭芽小不禁風當
時猶被春拘管夢短愁長情深歡淺俊游同首空腸斷江

南江北枉相思綠陰青子年華晚

高陽臺

送改之出都

刻燭邀紅呼樽欵翠酒痕濃染鵲裘牽惹閑情浮雲西北高樓舊時金縷當筵唱怪朝來忽帶新愁暗消魂匹馬輕裝別路殘秋西風不管分離苦攪空林飢葉吹滿宮溝如此關山可憐孤負清遊對牀聽雨前期在賦河梁休怨漂流譜妍詞彩翰香凝題徧庚郵

前調

英山金泰改之

落葉飛霜哀鴻唳月薊門寒到征裘書劍漂零天涯重賦登樓六街車走如雷響問紅塵何處埋愁最無聊一樣西

風獨自悲秋 高城畫角吹清曉又鞭絲帽影催渡盧溝
長短亭邊垂楊還拂人頭年華幾許供憔悴早芳心分付
東流那禁他曳雪牽雲細話前遊

鵲橋仙

顧二姨手製硯

犀紋抱月龍香滴露出匣滑難留手愛他柔膩紫雲身曾挨
近鳳翹丹味 蘭閨巧製文房雅玩往事流傳人口傾城名
士盡蒼涼鵲眼盈盈依舊

臨江仙

梅萼開時耶馬去相思直到而今碧雲千里雁書沈淚淹宮
錦字香滅畫羅襟 鵲鵲隔花啼不住年光轉眼驚心玉釵

墮後嬾重尋紫蘭香徑外秋草沒鞦深

瑤華
茉莉帳

琉璃質軟新招瑤英綴象牀璀璨勻穿巧絡垂麗殿不數辟
塵綃幔月痕涼浸似挂起蛟房珠串稱小憐玉體橫陳襲衣
花氣難辨夜深睡蝶夢騰任暗麝濃熏無此芳豔隙風吹
過鉛粉墮四角流蘇飄顛青鬢素靨祗無那夢回人遠且消
受散雪團雲妬煞芙蓉香暖

綠意
芭蕉簾

冰紋葉葉傍闌干
已字纖手親折淨拭蛛絲展代龍鬚芳痕
一片重疊桃笙斲竹渾拋卻愛貼體香茵清絕配亭亭帳痕

青奴冷抱半牀秋色 憶否空階夜寂雨聲暗滴瀝欲枕聽
微清不沾塵涼欲成煙消盡幾多炎熱夢雲縹緲歸何處認
尺五綠天幽潔揭犀帷捲付雙鬟掩映翠羅裙

銷寒四詠

繡停鍼

補裘

檢舊繡訝手拂金箱峭寒如水百衲蒙茸彈落暗塵付與玉
纖重理斷絲零毳是客路冰霜磨碎試抽獨繭香緞夜窗背
鎰縫起 征衣待遠寄歎線腳鍼頭淚痕濃漬紫鳳天吳顛
倒坼紋謾共翠雲爭麗濁醪休貰算軟美未輸醅子麝篝熏
透篆煙更燒心字

前調 同作

桐鄉沈 壽 匏翁

理繡篋甚翠袖籠時忍寒裁翦一腋千金零落舊痕唾碧
淚紅都滿長卿游倦問記否鸚鵡曾典謾嫌百結蒙茸幾
回壓殘金綫 顰眉攘皓腕歎巧奪天工未消塵黥恨縷
情絲纖指密縫肯付酒家輕換夜闌鐙黯共話到牛衣淒
怨紫霜無分尙餘敝貂相煖

瑣寒窗 糊窗

梵字鐫紅冰紋界茜苔穿羅洞鮮蕤刮隙生怯曉來寒重砑
雲藍四圍貼平畫櫺不放些兒縫任橫斜黏著半盃瓊液玉
蔥高捧 方空銀光湧稱竹屋愔愔護人幽夢蛛塵埽盡梅

影亞枝浮動鎖金猊溫香一絲夜深翦燭誰與共更安排雲
母璽瓏照見霜華凍

前調 同作

桐鄉沈濤 鮑翁

月碎篩櫺風尖射隙嫩寒初逗圖殘七影

元戴未良有合
破窗七影圖

倩補蘿纖手裂冰油千條萬條熨來生怕桃花皺
一點紅絨爛嚼唾痕依舊雲母玲瓏透恁乍乞瓊漿便
揔羅袖迷金醉紙不遣網蟲來又隔疏寮心香暗通那人
半面窺許否露春蔥悄拓蟬紗只待梅開後

玉漏遲 圖鑑

蠹窗寒繡幔辟邪蹲近鏤金牀畔促膝團圓笑語畫屏春滿

臥褥芙蓉密繞簇活火一炊紅煖攘皓腕試香溫酒霎時傳
徧撥灰分付嬌鬟莫彩袖低垂玉梅偷撚擁對牙籠鳳餅
幾愁重揀試招曉寒詞譜任簾外朔風如剪人意嬾蠶芽夜
深齊斂

前調

同作

桐鄉

沈

懋

匏翁

晚妝殘未卸金猊乍燼玉蟲初熄獸燄頻添煙裊博山如
畫滿座釵痕髻影儘圍繞曲屏低亞飄暗麝有人偷近越
羅裙袂幾番撥盡陰何更謎語闌傳酒波鯨瀉月姊窺
窗似照箇僂情話猶記劃灰斜倚悄彈徧淚珠盈把芳恨
惹霜寒又侵簾罅

石州慢

炙硯

鈿匣慵開瑤玦罷研鴈眼凝碧連朝雪意風威凍折米家山
脊金星黯黯自籠七寶香篝隔灰烘活松花色春透旋渦痕
似池波新滌 回憶琳腴壑缺青鐵磨穿歲華虛擲爇到冰
心膽喜石交如昔蘭闥寫韻省他檀口微呵瓠犀自齧腕毫
筆待淺畫蛾眉點端溪雲液

前調

同作

桐鄉沈濤

鮑翁

倦倚銀篝慵炙鳳笙簾映霜月琉璃小匣開時凍破一稜
蕉葉蘆芽乍斂自撥寶獸餘溫冰心盡化春雪熱趁取墨
痕融譜新詞鏤雪 消得疏香開裏玉鏡臺前素纖親蘸

淚雨烘乾更熨半眉愁
纈初陽送煖淨拭裴几無塵簪花
閒試時晴帖贖幾點殘灰共金星明滅

臺城路

題戴蘭卿曉風殘月圖卷

大隄垂柳蕭疏甚
娟娟碧絲猶裊傍岸維舟移篷就樹淒瑟
津亭秋曉酸風乍攪作水樣新寒頓欺烏帽
煙影微茫墮林殘月一梳皎
長條幾回欲折露蟬聲斷續都帶商調中酒
心情懷人滋味銷賸離魂多少迴腸暗惱算游徧江湖不如
歸好底事勾留歲華空自老

前調

同作

英山

金

泰

改之

可憐時節銷魂景
天涯酒醒人起月不分明風偏料峭盡

出關河秋意垂楊影裏盪一寸離心萬重煙水折盡長條
挂愁牽夢尙如此年時繡簾倚處絮雲吹點點春滿衣
袂擁樹山低橫空雁遠回首妝樓千里船脣舵尾共翹驚
拳寒瘦蟾凝睇爲問歸程布帆何日理

長亭怨慢

甲辰初入翰林改之亦於秋早入都應京兆試呈酒話舊並讀近作諸詞填此調奉贈

記攜手好春剛半雨屋深燈對牀分翦碧樹驚秋黃金臺下
又相見杏衫香澣禁幾度京塵染促席引清尊試與較別愁
深淺淒黯理鸞牋象管翠譜織成騷怨鶯憐蝶谷悵回首
繡叢天遠算此日身到蓬山早絲髻江湖吟減臙脰竹哀絲
分付當筵腸斷

霜葉飛 題勞介甫霜林憶句圖

詩情繚繞秋深處伊誰蠟屐尋到冷楓紅舞滿空山片片霜
花飽襯石徑苔痕翠老斷霞零落無人埽聽寸碧遙岑被一
夜西風吹下素籟多少 知有逸客飄然指筇背錦獨自行
入幽窈清吟字字作商聲譜出伊涼調又根觸鄉愁浩渺酒
船鷗夢吳江道倩畫圖爲傳將千里歸心澹煙斜照

鵲橋仙

前年話別去年話別都是早秋時候今年又到早秋時只無
那別離長久 珠啼錦怨花憔悴柳困聞說玉容消瘦此生拚
道不相逢怎昨夜夢中攜手

河傳

擁被無睡燭花欹漏鼓三更盡時玉爐暗香飄一絲淒淒病
蟲牕外啼 十載江湖游已倦春夢短蘭訊秋來遠畫羅襟
酒痕深傷心墜歡何處尋

高陽臺

友人以畫蘭招扇索題戲作

露眼緘愁煙鬢嫵媚翠裙展向春陽葉葉花花分明相對相
當紅心半坼櫻桃小謾疑他舊院眉娘斷吟魂一握冰紈吹
上柔香 有人甘殉情芽死忍題完珠字寶作琳琅繡幕焚
蓉夢雲幾度攜將湘臯豔譜翻來慣證芳因燭盡疎狂獵清
風玉骨琅耳隨意招涼

百字令 題張石州仿竹垞老人歸耕圖卷

昂藏七尺是杜陵狂客扶風豪士十載金臺常賃廡落拓游蹤難已雨笠煙蓑瓜疇芋町生計唯耽此荷鉏歸好故山禾怕生耳收拾莎犢欄深茅龍屋古小築臨渦水得喪浮雲紛過眼莫問江湖朝市汜勝之書峯然子築粗了平生事英雄末路達觀宜作如是

江城子 咏鰕

鯉魚風急海門秋橫菱舟翦寒流銀篴篴輕撈出稻花稠絕妙水晶人樣子偏愛著碧綃頭夕陽紅上水邊樓酒新篳小勾留一笑登盤巧配內黃侯任爾鬚頰張似戟難洗盡折

腰羞

前調

去年元夕笑相逢
拚春蔥
勸金鍾
鳳尾槽新聲迸
小簾櫳
蠟樹鐙
球渾不夜都忘卻
漏丁東
今年元夕舊情空
捲西風
夢匆匆
欲譜香詞無那寸心慵
屋角細梅飄半萼
還錯認舞衣紅

百字令

秋晚客中效側帽詞體

愁絲一縷
纔將來不斷
把人纏縛
況是他鄉雲水
夜秋雨秋風
蕭索被冷鴛文燈殘
鳳脰往事思量
著病蛩無力
悵悵啼近簾箔
遙識翠閣新寒
晚妝卸罷
獨下葦蕤鑰
肺疾深時

眠不慣有夢也成擔擱玉子楸枰銀箋象筆怎敵情懷惡浮
名何物賺人隨地飄泊

摸魚兒

蕙

抹蘆洲柔波滑笏湘烟一罨低繞圓沙溶漾瑤釵影青徧五
湖三泖春漸老挂尺許龜髯斜映晶奩皎芳莖翠裊愛枯豉
堆紅鮮鱸食碧嫩共菜根齏功名事海水浮沈難料江湖
俊味真好天涯回首秋風起誰買季鷹歸棹空懊惱讓漁弟
漁兄七箸年年飽清饒怎療待菊釀筍成菰香煮熟點筆注
葵芽

風入松

題潘子慎感舊詞後

暖風遲日踏青蕪立馬叩銅鋪粉墻低處桃花笑顚嬌煙一
樹瓊酥宛轉翠簾丁字盈盈十五當壚夢雲歡劫散模糊
絲淚滴紅珠錦苔繡了埋香地盼重泉消息都無怕見棠梨
暮雨年年寒食啼鳥

前調

英山金泰改之

小紅樓角月黃昏曾記夢遊春掌中悔不留仙住御風歸
空皺湘裙惆悵斑駁重過薜蘿綠滿秋墳畫圖何處喚
真真往事總休論碧桃幾度花開落掩淒涼舊日朱門
向茶煙影裏一絲銷盡吟魂

唐多令

蓮亭晚坐

翠露卷煙汀柔波翦綠萍趁花花葉葉亭亭一捻斷霞嬌不散
漸紅上鷺絲翎照影惜娉婷鷗寒夢未成恨銅盤錦泪零星
髣髴昨宵疎雨滴潛倚著畫欄聽

前調

英山金泰改之

鷗雨濕苔磯魚霞蘸碧漪轉清商蘋末輕颺葉葉花香
不已盡吹上酒人衣畫檻壓波低微涼裊髣髴絲幕蟬聲
柳外催歸最好水天閒話處人去早月來遲

前調

題金纖纖女史瘦吟樓硯拓本

翠墨洗煙螺雲腴膩粉渦蕩愁痕一掬湘波惆悵瘦吟人去
遠誰著手與摩挲片石未消磨華年瞥眼過甚春來依舊

寒多儘把沈香熏小像祇無計熨雙蛾

蘇幕遮

英山金泰改之

夜吟香朝寫韻一片琳腴脂粉痕猶疑可惜曇花偏易隕
石上三生但現春風影玉臺空珠字賸自比雙文秀句
親題贈滴得蟾蜍清淚盡新月樓頭還鬪妝眉靚

鷓鴣天

半靨星痕帖額黃繡蓉方領薄絲裳尋常懶著閒脂粉一種
風流淺澹妝斟玉竿弄銀簧人前側立費形相翠簾下了
移紅燭說道今宵分外涼

前調

英山金泰改之

勝業坊前見淨持
冶妝猶畫入時眉
含情強倚東風笑
塵暗當年舊舞衣
金鏤管玉交卮
詞人爭賦小楊枝
除他一片秋江月
曾照芙蓉泣露時

霓裳中序第一

歌席卽事

銅荷蠟淚滴照見新詞題畫壁
錦字真珠密織記酒瀉翠尊
花飈瑤席蘭蕤蕙質蕩冶情無數
箏笛都忘卻茸裘繡鈿歲暮遠爲客
幽抑俊游重憶共繫馬朱樓綺陌
芳韶轉眼過隙漸訊渺湘紅夢斷
楚碧豔歌閒趁拍賸怨粉淒金凝積
暗惆悵一眉霜月兩地伴岑寂

前調

英山金泰改之

寒鐙穗半結，蓮漏丁丁空。
水咽深夜酒，波重熱聽一
串歌。
珠梁塵飛雪，繁音擊節繞。
畫簷風颭雲，葉何人在粉
牆花底。
長笛定偷摩，淒絕歡游輕。
別念舊事尊前愁，說垂楊
曾繫金勒，傍十里紅橋，二
分明月。
玉簫聲易歇，賸譜就斷腸
新闕，悲涼意狂吟，未怕醉
擊唾壺缺。

八聲甘州

絲翁太守招同人小集清暉書院倚聲奉酬

罨晴蕪秀色，隱孤亭、綠楊弄春妍。
倚屏山六曲，開簾過酒人。
坐瓊筵，不比張燈飛蓋，清夜宴西園。
橋外東風膩，新綠濺濺。
隔水呼鷗一笑，任吟湘賦楚，幽恨都
鐫。寫盈盈芳思，分付
薛濤箋，託微波重申後約。
擁綃衣霞珮，汎觥船爭知我看花。

心事漸近中年

前調

桐鄉沈 濤 匏翁

看涓涓野水繞荒灣香滿白蘋洲
恁東風吹皺鴨頭淺漲
雁齒平浮聽取提壺頻喚好共
破清愁爲問隄邊柳青眼
舒不絕似阻風中酒又江湖舊夢
狎到沙漚歎黃塵烏

帽何地着扁舟盪春魂數聲柔櫓
念家山莫漫賦登樓關

紅約待扶殘醉卅六陂秋

余近已補種荷花

水龍吟

擬宋人詠英華詞並步其韻

聞風瑤島清都仙蹤縹緲疑非是
鸞裾鳳帶瓊纖寶珠豔魂
飛墜湘管輕拈半窗蘭韻一簾松
吹擅非煙才調無雙容貌

爭怪得人心醉 汴泗柔波千里量
檀痕靚妝初洗神光浴
浦行雲巫峽此情空寄後會茫茫塵封薌澤淚凝鉛水賸丹
崖畫閣生綃澹墨寫眉山翠

高陽臺

題伏城驛店壁記己亥歲同湯子厚計偕北上宿於此店子厚被酒大醉夜雨不止往事已十

有六年矣子厚南歸病歿墳有宿草感念存歿愴然予懷因成此詞

倦柳鴉棲重雲雁度驛亭煙樹迴環渺渺征程舊愁吹上眉
彎風塵不恨年華促恨故人埋骨青山賦招魂楚些淒涼楓
淚紅殷 當時倚醉疎狂甚儘筇鴻啼雨輓徧湘絃耳熱悲
歌劍霜寒嘯尊前如虹豪氣今安在鎖消磨明鏡蒼顏謾驚
聽翠玉簾空簷溜琤琮

浣溪紗

罨畫樓臺夕照斜
璫窗塵黯杏紋紗
斷金零粉綴些些
芳徑碧苔誰著屐
小橋稚柳又飛花
東風悽惻送韶華
六曲迴廊響玉弓
昔年此地見驚鴻
春魂消盡畫樓東
填海有心銜木石
涉江無路采芙蓉
片雲留恨滿巫峯

點絳脣

小雨初收煙郊傍晚
秋容淨野花紅凝
點綴青蕪徑
馬首涼蟬一路供愁聽
西風勁弄晴搖暝
幾樹垂楊影

瑞鶴仙

題黃韵珊明府詞後

玉簫聲慢倚寫阻風中
酒江湖滋味天涯莽迢遞
恁閑情都

付衍波箋紙華年似水禁幾度吹花嚼蘂鎮無慘傷別傷春
誤了浩歌沈醉 留殢院公山色滕閣煙霞助吟多麗京塵
染袂樊川鬢漸絲矣儘檀痕細招流珠一弗譜入愁羅恨綺
看淡妝舞上猩輪繡簾隙底

清平樂

題新羅山人畫

嫩篁幾節濕翠苔花鬢尺五風枝扳欲折偷眼梢頭紅葉
蛾眉澹掃雙痕風流京兆前身記聽雕籠巧語日長深院無
人

前調

杏青梅小韶景無多少榆莢漫天飛不了心事落花知道

煙痕輕注迴塘一雙蝴蝶悵悵斜日空簾獨倚春愁沒个商量

前調

霜前雁後搔徧天涯首烏帽青袍人似舊籬畔黃花開又
羅帷低護初寒小樓眉月愁看一霎風吹落葉秋聲先到欄
杆

前調 題潘紱庭秋水芙蓉畫冊

明霞古渡照影花如語千種相思無著處朵朵翠嚙紅妬
往時錦悵凝香而今遠道迴腸勾起半江幽恨夜深風露淒
涼

菩薩蠻 三首

綠陰如幄圍階砌。蝶衣涼晒紗窗底。春去漸多時。夜臺人未
知。相思心欲折。玉骨成冰雪。容貌見應難。恨無通替棺。
梨花寒食斜陽路。百年一樣歸黃土。同穴最關情。著鞭先讓
卿。髣髴都雪了。此恨誰知道。搵淚對禪扉。遠山翠翠眉。
紙錢風起灰如雪。乳鴉向客啼嗚咽。稚子復何知。時來牽我
衣。迴車還卻顧。夢斷心離阻。魚目夜長開。幽魂何自來。

蝶戀花 二首

慘澹斜陽紅古寺。窄徑苔紋綠。徧傷心地委蛻。一棺呼不起。
眼中泉路分明是。草草今生緣盡矣。虛說他生依舊成。連

理九十春光如水逝碧桃花落餘空蒂
鏡檻妝奩塵漠漠浮世光陰一髮全拋卻月不長圓花易落
墜歡如夢成耽擱絮語傷心悲命薄道不思量偏又思量
者斷送芳魂歸夜壑天台詎有長生藥

滿江紅

杳杳幽魂禁爾許夜臺風露痛此日歔旌柳絮得埋淺土鶴
蛻嶺岵彫玉骨蝶裙灰滅餘金縷儘春風緣隙到空牀人何
處莊缶擊悲難訴潘鬢減詩空賦漫馳情千里夢尋墟墓
萬事終歸螻蟻穴百年虛結鴛鴦侶算不堪惆悵數生平
孤負

青玉案

秋懷效鳥絲詞體四首

紙窗橫壘誰剗破寒意迸些兒箇慘月當樓眉影墮千堆紅
葉數枝黃菊飽受霜風剗狂來欲把離騷和寶劍光寒虹
繞座醉慙深杯磅礴埋憂無地點金無術屈煞平生我
奇鵬颯爽排雲起碧眼溜秋空紫豪氣稜稜都讓爾林中鴉
鳩草頭狐兔一霎空如洗昏鐙挂壁繙青史往日英雄今
賸幾長憶高歌醉燕市屠腸曠日漆身刻頸箇是真男子
蓬山千仞瓊臺陡風雨暗魚龍吼萬樹琪花金翠糝淩華拊
石雙成掀管笑酌麻姑酒而今難挹浮邱袖碧海青天莽
回首種種頓毛霜染透臨風試問舊時仙侶同此淒涼否

荒墳近接秋原渺
龜趺裂
龍碑倒
磷火低飛如豆小
苔錢暈碧土花鋪繡
滿地紅心草
西風蒼莽愁難掃
歲月無情雙過鳥
惟有北邙山不老
芻靈夜舞
髑髏晝語添了新華表

踏莎行

雨斷虹霽
烟迷鴉背
柵林路轉前溪水
戍樓高處一絲風暗
中刮得秋心碎
倦旅情懷
長途滋味
玉鞭垂手渾如醉
蓼汀菱汊太荒涼
臨流忍製鴛鴦詠

空青館詞集卷三